



Inatsisartuni ilaasortaq Tillie Martinussen, Suleqatigiissitsisut  
/maani

## **Ilaasunik angallassinermi kiffartuussinissamut isumaqatigiissutit pillugit § 37 naapertorlugu apeqquteqaammut 2019-271-imut akissut**

14-08-2019  
Suliaq nr.: 2019 - 17346  
Id nr. 43562938

Asasara Tillie Martinussen

Inatsisartut suleriaasianni § 37 naapertorlugu ilaasunik angallassinermi  
kiffartuussinissamut isumaqatigiissutit pillugit Naalakkersuisunut apeqquteqaateqarputit.  
Apeqqutitit uannit akineqartussatut innersuunneqarput. Apeqqutitit matuma kinguliani  
ataasiakkaarlugit allanneqarput, akissummillu malitseqartinneqarlutik.

Postboks 909  
3900 Nuuk  
Tlf.: (+299) 34 50 00  
E-mail: box909@nanoq.gl  
Fax: (+299) 34 63 56  
www.naalakkersuisut.gl

### **Apeqqut 1. Qaqugu Naalakkersuisut pilersaarutigaat timmisartuussinerup iluani kiffartuussinermut isumaqatigiinniarnert aallartissallugit?**

Akissut: Attaveqaqatigiinnerit pillugit isumasioqatigiinnermi marsip ulluisa 20-ianni  
aamma 21-ianni 2019-imi oqaatigineqartutut piffissamut kiffartuussinissamut  
isumaqatigiissuteqarfiusussamut tullermut piareersaatit pilersaarusiornerrillu ingerlapput.  
Suliami tassani ilaatigut siunissami ilaasunik angallassinermi pisariaqartinneqartussat  
nalilersorneqarput misissoqqissaarneqarlutillu. Isumaqatiginninniarnert  
aallartinnginnerini taakku inissinnissaat pisariaqarpoq.

### **Apeqqut 2. Suut allannguutit takuneqassappat Qeqertarsuup Tunuani aamma Kujataani?**

Akissut: Apeqqut 1-imut akissut takuuk.

### **Apeqqut 3. Periutsit suut Naalakkersuisut atorniarpaat kingullermik kiffartuussinermut isumaqatigiissutit pillugit isumaqatigiinniarnert ingerlarngat nalilersorneqalerpat kiisalu kiffartuussinermut isumaqatigiissutit atorlugit piffissap siuliani innuttaasunik kiffartuussisimaneq nalilersorneqalerpat?**

Akissut: Ineqarnermut Attaveqaqatigiinnermullu Naalakkersuisoqarfimmi maanna  
isumaqatigiissutaasuni sullissinerni naammassineqartuni misilittakkat ingerlaavartumik  
katersorneqarput. Pissarsiat taakku tamarmik kiffartuussinissamut  
isumaqatigiissusiassat pillugit isumaliutigineqartunut ilanngunneqassapput.  
Taamatuttaaq ilaasunik angallassinermi kiffartuussinissamut isumaqatigiissutit pillugit  
neqerooruteqartitsinerup isumaqatigiissusiornerrullu ingerlanerani ingerlatsinermik  
kukkunersuineq annertusisaq ilanngunneqassaaq. Inatsisartut Kukkunersuiner  
Ataatsimiititaliaata qinnuteqarneratigut kukkunersuineq Deloitte-mit ingerlanneqarpoq.

### **Apeqqut 4. Ataatsimut isigalugu kiffartuussinermut isumaqatigiissutinut pisortat qanoq tapiissuteqassappat? Tassa imaappoq ukiut tallimat ingerlanerini**

**kiffartuussinermut isumaqatigiissutit qanoq akeqassappat, ilanngullugit nutaanik timmisartusinissaq aamma nutaanik helikopterisinissaq - ataatsimoortillugit - ukiut tallimat ingerlanerini (imaluunniit ukiut tallimakkaarlugit agguarlugit ukiuni kingullerni 40-ni aningaasartuutaasarsimasut) ilanngaatilugit isertitat aamma aningaasartuutit Mittarfeqarfinnut il.il. Naleqquppat imaatigut angallanneq pillugu kiffartuussinermut isumaqatigiissutit assersuusiareqquneqarput aamma.**

Akissut: Inatsisartut suleriaasianni § 37, imm. 1-imi allassimavoq, ilaasortaq pisortat susassaarfii pillugit paasissutissanik kissaateqarpat, tamanna Naalakkersuisunut apeqquteqarnikkut naammassineqarsinnaasoq. Tassani aamma allassimavoq, apeqqut naatsumik ersarissumillu oqaasertalerneqassasoq aammalu tunngavilersuummik malitseqartinneqassasoq.

Apeqqutip 4-p akineqarnissaanut annertuumik misissueqqissaarnissaq, maannarpiaq Naalakkersuisunit aallartinneqarsinnaanngitsaq pisariaqartussaavoq. Taamaattumik Inatsisartut suleriaasianni § 37, imm. 2 naapertorlugu nalunaarutigissavara, Naalakkersuisut apeqqummut akissuteqarsinnaanngitsut.

**Apeqqut 5. Eqqarsaatigineqarluni namminersortut neqerooqataatinneqarnissaat kiffartuussinermut isumaqatigiissuteqarfiit immikkoortut ilaat eqqarsaatigalugit, allatut periarfissatut, taamaasilluni namminersorlutik inuutissarsiortut uummassaavigineqarsinnaaqullugit, kiffartuussinermut isumaqatigiissutit nutaat eqqarsaatigalugit, soorlu imaatigut angallannikkut?**

Akissut: Apeqqut 1-imut akissut takuuk.

**Apeqqut 6. Eqqarsaatigineqarsimanerluni ullumimut naleqqiullugu aallanngitsoornermut sillimmasiinerit pitsaanerusumik atorneqalersinnaanissaat aamma sumiiffinni kiffartuussinermut isumaqatigiissutit aqutigalugit angallaviusuni pitsaanerusumik paasissutissiisoqartarnissaa qularnaarneqassamaarpa taamaasilluni angalasussat ingerlaqqinnissaminnut isumalluarnerannut naleqquttunngorlugu?**

Akissut: Apeqqut 1-imut akissut takuuk.

**Apeqqut 7. Nunatsinni angallassinermi kiffartuussinermut isumaqatigiissuteqarnissaq pillugu neqeroornermi suut pingartinneqarpat, tassa imaatigut silaannakkullu angallassineq eqqarsaatigalugu aamma taakku sumi nassaarineqarsinnaappat?**

Akissut: Apeqqut 1-imut akissut takuuk.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga

  
Karl Frederik Danielsen